

佛說較量一切佛刹功德經

兵

如是我聞一時佛在王舍城法野菩
提道場坐金剛摩尼寶師子之座有
菩薩摩訶薩衆周匝圍繞復有十佛
刹百千俱胝那由他衆聽佛說法
時會中有一菩薩摩訶薩名不思議
光王即從座起瞻視大會諸菩薩已
而白衆言汝諸佛子今當諦聽此娑
婆世界滿一大劫較量時分是彼西
方極樂世界無量壽佛刹一晝夜佛
子彼極樂世界一大劫較量時分是
阿你彌沙世界縛日囉三婆誡囉鉢
囉摩哩那曩如來佛刹一晝夜佛子
彼阿你彌沙世界一大劫較量時分
是不退輪光明世界敷蓮花身如來
佛刹中一晝夜佛子彼不退輪光明
世界一大劫較量時分是無塵世界
法王如來佛刹中一晝夜佛子彼無
塵世界一大劫較量時分是燈光世
界師子如來佛刹中一晝夜佛子彼
燈光世界一大劫較量時分是善光
世界毗盧遮那如來佛刹中一晝夜

佛子彼善光世界一大劫較量時分
是難勝世界法敷身如來佛刹中一
晝夜佛子彼難勝世界一大劫較量
時分是護智世界一切通意王如來
佛刹中一晝夜佛子彼護智世界一
大劫較量時分是現圖光世界諸歎
如來佛刹中一晝夜佛子如是一切
世界依却算數過十佛刹百千俱胝
那由他微塵數劫已有世界名蓮花
吉祥彼佛世尊名賢吉祥是彼佛刹
中一晝夜佛子彼有菩薩地名普行
地行如是無量菩薩行佛子若復有
人於此較量一切佛刹功德經受持
讀誦爲他解說彼人命終十方佛刹
恒河沙數諸佛如來悉皆現前滿彼
有情一切所願佛說此經已不思議
光王菩薩及諸大衆聞佛所說皆大
歡喜信受奉行

佛說較量一切佛刹功德經

乙巳歲高麗國大藏部監奉
勅雕造

難你計淫嚙囉天說支輪經

六

余時難你計淫嚙囉天普觀世間一
切男女因於生時值諸宮宿所感善
惡至壽命盡於其中間或貴或賤或
富或貧有孝有忠好文好武至於端
嚴醜陋愚鈍聰慧疾病天枉鰥寡孤
惻猛惡剛強溫柔恭順言正行直識
愧知慙曉達天文明察世事或重佛
法樂修善事或慕效魔信邪造惡又
或好遊山水遂性全真又或樂作商
估貿易寶貨或好布施或即慳貪
並乃表於相狀顯著身軀爲幢爲璽
作文作曆一切美惡並稟一身亦乃
宿有因緣今值星曜恐其未曉略爲
宣揚
復次天羊宮當火曜直在婁宿胃宿
全分昴宿一合其日生者相貌端嚴
身軀細妙孝於父母敬事尊長多眷
屬饒僕從具勇猛有精神有大福德
不奈飢寒樂於法知慙愧好布施心
堅固言行真實見解明了合得君王

愛重衆人欽仰眼俊貪色多好遊歷
一生多饒齒疾及有癘病壽或中大
於生後第四年合有火難至年十八
亦合中天至年二十五合有虎狼之
難亦主海中死當天難時若遇吉曜
臨照即延壽命至二百歲於八月內
值火曜及昴星直日夜半時命終
復次金牛宮當金曜直在昴宿三分
畢宿參宿各二分其日男女生者相
貌端嚴身分長細面有星鬚合主大
富常受快樂多饒眷屬亦多奴僕氣
性剛強不宜妻妾少小辛苦晚年之
後復得父母資財即受快樂有精神
善工巧見識明了所作堅固好樂布
施貪愛食味饒惠喉病至二十五歲
命合中天若於是時復得吉曜臨照
變惡為善得延壽命至於百歲後患
風狂病於九月中當水曜及畢宿直
日終於聖跡之地

愛食味稟性滑稽厚於女色目觀美
麗神魂如失於諸幻術見者愛樂於
成就法修習必得若學宗龍及呪水
法於此二法最得精妙少小辛苦至
中年後方有名譽見者受重初生之
後至第五年有中天難於天難時若
遇吉曜臨照變惡為善得延壽命至
八十歲於十月內過水曜及參宿直
日於日中時因疾命終

復次於巨蟹宮當太陰直在井宿鬼
宿柳宿全分其日男女生者身分長
細稟性柔善有智慧能忍事孝順父
母最得父母憐愛於手中足下合有
蓮花紋螺紋輪紋及吉祥果紋相多
有妻妾眷屬又多奴僕少年微賤晚
歲豐富樂法勇猛好於布施供養賢
聖及諸師長性好遠遊初生後至二
十歲合於樹上落下因此傷大當此
之時若遇吉曜臨照變惡為善得延
壽命至八十歲於十一月當參宿及
金曜直日夜半時命終

復次於師子宮當太陽直在星宿張
宿翼宿各一分此日男女生者為性

急躁舉措多瞋生二三子每所憐愛
過於己命雖豐財實心常知足好樂
供養一切賢聖為人不拘散誕自足偏
好食肉亦好食魚或往他國亦不受
飢寒恒怖疾病不懼大水年至十五
有中天難若遇吉曜臨照變惡為
善得延壽命至於百歲於十二月內
當土曜及星宿直日於晚伽河北岸
而趣命終

復次雙女宮當水曜直在翼宿三分
軒宿角宿各二分其日男女生者掀
面廣目助下有鰲人見敬愛樂法愛
香花年少微賤晚歲豐財然多疾病
偏饒患目好在他國不宜妻妾每觀
美麗神鬼失次年至三十有中天難
當天難時遇吉曜臨照變惡為善得
延壽命至八十歲於正月內因患瘡
命終

復次天秤宮當金曜直在角宿二分
元宿氐宿各三分其日男女生者為
人孝順福祿自如稟性急躁多有瞋
怒然識見明達審察微細復有氣義
又能剛忍長於親友滑稽好色多遊

雜記諸曜天機卷四

第二節

雜記諸曜天機卷四

第二節

雜記諸曜天機卷四

第二節

